

念便是逍遙自在閑

贈甯海州王一翁化爲醮首

請公目下細斟量既遇良緣便可當道家興隆因建德福星臨
注必除殃願人有幸扶立教學我無爲達上蒼四海存亡都一
化立教地獄變天堂

甯海太守屢嘗書召以詩奉答

信香不斷累相招自肯存心養瑞苗禁制姦邪因德政恤憐老
幼顯歌謠常蒙帝闕恩光降足表忠心福行昭伏望功成名遂
日也來林下論逍遙

贈明水公殿試

道藏輯要

雲光集

六

胃集九
川火川

心靈神喜悟眞常日日無私達上蒼休帶儒林求外顯好搜道
理惜元陽萬塵根斷超三界一舉功成貫十方試把前程相比
較爲官何似到仙鄉

答沂州趙知法問修行

雲蹤不斷瑞陽開悟徹塵緣心自灰但覺身中清一氣漸看鼎
內聚三才青龍白虎鳴哮吼赤鳳烏龜戰往來羅列周天同際
會道成自有紫書催

贈楊都目化緣都下幹當教門

助緣諸物順時來都下光明轉轉開不憚辛勤成好事須逢吉
慶遠非災舊庵圯了重修葺善氣將殘復接栽深謝聖恩功德